

इवनिंग डोगरी न्यूज़ बुलेटिन

समे-18:15 Hrs

Headlines

- 1 राष्ट्रपति द्रौपदी मुर्मू होंरें बडे मते कठिन ते चुनौतीपूर्ण हालात च मुख दी राखी ते हिफाजत करने लेई सैनिकें दी बहादुरी ते सेवा दी सराहना कीती।
- 2 उपराष्ट्रपति जगदीप धनखड़ होंरें सी.एस.आई.आर च अपने संबोधन दौरान भारत दी वैज्ञानिक प्रगति दी सराहना कीती।
- 3 गृह मंत्री अमित शाह होंरें आखेआ ऐ जे आतंकवाद गी कदें बी वापस उठन नेई दित्ता जाग की जे उसी बड़ा हेठ दबाई दित्ता गेआ ऐ।
- 4 पैहली अक्तूबर गी त्रीए गेड़ तैहत होने आहले मतदान तैहत जम्मू जिले दे 11 विधानसभा हल्कें पर वोट पाए जाडन। 12 लक्ख श्वां बहू मतदाता वोट पाने दे अपने अधिकार दा इस्तेमाल 1 जहार 494 मतदान केंद्रें पर जाइए करडन।

<><><><><><>

Prez. Siachen Alacier Visit

राष्ट्रपति द्रौपदी मुर्मू होंरें अज्ज लद्दाख च सियाचिन बेस केंप दा दौरा लाया ते सियाचिन ग्लेशियर च तैनात फौजियें ते अधिकारियें कन्नै गल्लबात कीती। राष्ट्रपति मुर्मू होंरें फौजियें गी ंसबोधित करदे होई चुनौतियें आहले हालात च राष्ट्र दी रक्षा हिफाजत करने लेई उंदी बहादुरी ते सेवा दी तरीफ कीती। उनें उत्थे तैनात

फौजियें दे परोआरें ते रिश्तेदारें दा बी धन्नवाद कीता। उनें सियाचिन बेस युद्ध स्मारक पर पुष्पांजलि भेंट करिये शहीदें गी श्रद्धांजलि दिती। साबका राष्ट्रपति रामनाथ कोविंद ते डॉक्टर अब्दुल कलाम हुंदे मगरा सियाचिन ग्लेशियर दा दौरा करने आहलें च राष्ट्रपति द्रौपदी मुर्मू होर त्री राष्ट्रपति ना।

<><><><><><>

Vice-Prez. CSIR

उप-राष्ट्रपति जगदीप धनखड़ होरें आखेआ जे भारत विज्ञान दे क्षेत्र च दुनिया भरै च अपना पराना गौरव परतिए हासल करने दी बत्ता पर अगगे बदा'रदा ऐ। नमीं दिल्ली सी.एस.आई.आर. दे 83में स्थापना दिवस दे मौके पर ओहू मुख परौहने दे तौर पर मौजूद हे। इस मौके पर बोलदे होई उनें आखेआ जे प्राचीन भारत नै अपने वैज्ञानिक ज्ञान कन्नै दुनिया गी मान महसूस करोआया ऐ। उनें आखेआ जे प्रधानमंत्री नरेंद्र मोदी हुंदा दिल ते आत्मा गहराई कन्नै वैज्ञानिक समुदाय कन्नै जुडी दी ऐ। उपराष्ट्रपति होरें मुख दी नीहू गी मजबूत करने आस्ते सी.एस.आई.आर. आस्तै मुख ते दुनिया दी भलाई लेई इक खाका सामने आनने दा सेई समां ऐ। उप राष्ट्रपति होरें इस मौके पर NASC परिसर च सी.एस.आई.आर प्रदर्शनी 2024 दा बी उद्घाटन कीता। उनें परिसर च अपनी मां दे चेत्ते च इक बूहटा बी लाया।

<><><><><><>

India-UNSC-Membership

फ्रांस दे राष्ट्रपति इमैनुअल मैक्रॉन होरें संशोधित संयुक्त राष्ट्र सुरक्षा कौंसल UNSC दे स्थाई मेंबर दे तौर पर भारत गी शामिल करने पर जोर दिता ऐ। श्री मैक्रॉन होरें अज्ज बडुलै न्यूयार्क च संयुक्त राष्ट्र महासभा दे 79में इजलास च आम चर्चा च एहू गल्ल आकखी। फ्रांस दे राष्ट्रपति होरें इस गल्ला पर जोर दिता जे भारत, जर्मनी,

जपान ते ब्राजील गी स्थाई मेंबर होना लोडचदा ऐ, कन्नै गै अफ्रीका अपनी नुमायंदगी करने लेई दऊं मुलखें गी नामजद करै।



Annual-Pharma Summit

दवाइयें-औषधियें सरबंधी मैहकमे दे सचिव अरूणीश चावला होरें आखेआ ऐ जे मेडिकल टेक्नोलॉजी ते दवाइयें औषधियें सरबंधी उद्योग भारत च निर्यात लेई इक्क प्रमुख क्षेत्र बनी गेआ ऐ। नमीं दिल्ली च सालाना फार्मा शिखर सम्मेलन 2024 गी संबोधित करदे होई श्री चावला होरें आखेआ जे मेडिकल टेक्नोलॉजी ते दवाइयें-औषधियें मतल्लक उद्योग भारत च निर्यात दा चौथा सब्बनें कोला बड्डा क्षेत्र ऐ। उनें आखेआ जे पिछले बरे देश च बने दे दवा ते फार्मा सरबंधी उत्पादें चा 50 फीसदी कोला मते दा निर्यात कीता गेआ ते इस क्षेत्र च होर मता निर्यात करने दी मेद ऐ। श्री चावला होरें समाचार माध्यमें कन्नै गल्लबात करदे होई आखेआ जे मेक इन इंडिया पैहल नै देश गी विनिर्माण महाशक्ति बनाने च मदाद कीती ऐ ते चिकित्सा टेक्नोलॉजी नै एहदे च बड्डा मता योगदान दिता ऐ।



SDSCO-Drugs

केंद्री औषधि मानक नियंत्रण संगठन CDSCO नै अपनी रिपोर्ट च 50 थवां मती दवाएं गी मानक गुणवत्ता दे स्तर थवां हेठ घोषित कीता ऐ। इनें दोआइएं च पैरासिटामोलत्र विटामिन-बी कम्प्लेक्स, कैल्शियम ते विटामिन-डी श्री दियां टिक्कियां शामिल ना। इनें दोआइएं च मानक गुणवत्ता नेई पाई गेई ऐ ते एहू दोआइयां केई सारी कंपनिएं आस्सेयां बनाइयां जंदियां ना।



Indian-Embassy Advisory

बेरूत च भारतीय दूतावास नै इजरायल ते हिज्जबुल्लाह बश्कार बदा करदे संघर्ष गी दिक्खदे होई भारतीय नागरिकें गी लेबनान दी यात्रा नेई करने ते लेबनान सवां वापस आई जाने दी सलाह जारी कीती ऐ। राजदूती दफ्तर नै भारतीय नागरिकें गी अगली सूचना तोड़ी पश्चिमी एशियाई मुल्ख दी यात्रा नेई करने दी चेतावनी दिती ऐ ते लेबनान च पैहलें सवां मौजूद भारतीयें गी लेबनान छोड़ने दी सलाह दिती ऐ। लेबनान च हाल दे इजरायली हवाई हमलें च 50 बच्चें समेत 558 लोक मारे गए हे ते इक ज्हार 835 घायल होई गए हे।

<><><><><><>

PESA-Baghal

पंचैती राज सरबंधी मैहकमे दे राज्यमंत्री एस.पी सिंह बघेल होरें जमीनी स्तर पर पंचैतें सरबंधी विस्तार कीते गेदे अनुसूचित इलाकें मतल्लक कनून गी अमल च आनने पर जोर दिता ऐ। नमीं दिल्ली च अज्ज PESA बारै गल्ले दे राश्ट्रीय सम्मेलन गी संबोधित करदे होई मंत्री होरें जनजाति समुदाय दे लोकें गी उब्बड़ा चुक्कने लेई पंचैतें मतल्लक PESA कनून दे महत्वै दा जिक्र कीता। इस मौके पर श्री बघेल होरें PESA पोर्टल ते सत्त खास सिखलाई सरिस्तें दी शुरूआत कीती। इयां ग्राम पंचैत विकास योजनाएं ते सिखलाई पैहलकदमियें गी होर मता असरदार बनाने लेई कीता गेआ ऐ।

<><><><><><>

Shah-Rally

केंद्री गृह मंत्री अमित शाह होरें अज्ज उधमपुर जिले च चनैनी दा दौरा लाइयै उत्थे इक्क चुनावी रैली च भाषण दिता। इस दौरान उनें आखेआ जे आतंकवाद गी खत्म करी दिता गेदा ऐ ते इसी हून परतियै वापसी नेई करन दिती जाग। उनें भारतीय जनता दी हकूमत तैहत इलाके गी आतंकवाद सवां मुक्त करने दा वादा कीता। अमित शाह होर जेडे भारतीय जनता पार्टी दे चुनां अभियान दी अगुवाई करा करदे न, आखेआ जे केंद्र शासित प्रदेश जम्मू-कश्मीर च दफा-370 दे बगैर चुनां होआ करदे न। उनें आखेआ जे नरेंद्र मोदी हुंदी अगुवाई आहली सरकार नै अगस्त 2019 गी दफा 370 गी हटाइयै पार्टी दे विचारक श्यामा प्रसाद मुखर्जी हुंदा सुखना पूरा कीता हा। शाह होरें आखेआ जे जम्मू-कश्मीर च जेडा बी आतंकवाद गी फैलाग उसी सख्त जवाब दिता जाग। अमित शाह हुंदा अज्ज उधमपुर, कठुआ ते जम्मू जिले च 5 रैलियें च भाषण देने दा प्रोग्राम तैय होए दा ऐ। जम्मू-कश्मीर च पैहली अक्तूबर गी त्रीये ते खीरी गेड दा मतदान होना ऐ।

<><><><><><>

3rd Phase Election

जम्मू जिले दे 11 विधानसभा हल्के च त्रीए गेड तैहत मतदान होना ऐ। 12 लक्ख थवां मतदाता वोट पाने दे अपने अधिकार दा इस्तेमाल करडन। जम्मू दे जिनें 11 विधानसभा हल्के च वोट पाए जाडन, उंदे च बिश्नाह, सुचेतगढ, बाहु, जम्मू ईस्ट, नगरोटा, जम्मू वेस्ट, जम्मू नार्थ, मढ, अखनूर ते छम्ब शामिल ना। कुल 12 लक्ख 977 मतदाता न जिंदे च 6 लक्ख 19 ज्हार 66 मर्द, 5 लक्ख 81 ज्हार 887 महिलां ते 24 थर्ड जेंडर मतदाता ना। आर.एस.पुरा-जम्मू साउथ च सब्बनें थवां बद्द 1 लक्ख 30 ज्हार 107 पंजीकृत मतदाता ना। इत्थे 67 ज्हार 322 मर्द, 62 ज्हार 782 महिलां ते 3 थर्ड जेंडर मतदाता ना। मढ हल्के च सब्बनें थवां घट्ट मतदाता ना। इत्थे कुल 93 ज्हार 598 मतदाता न जिंदे चा 48 ज्हार 640 मर्द, 44 ज्हार 957 महिला ते इक्क थर्ड जेंडर मतदाता ऐ। चुनाएं गी रमानदारी आले ढंगै सिर करोआने लेई भारतीय चुनां आयोग आस्सेया 1 ज्हार 494 मतदान केंद्र बनाए गेदे न जिंदे चा 609 शैहरी इलाके च ते 885 ग्रामीण इलाके च कायम कीते गए ना। मतदाताएं दी हिस्सेदारी गी बदाने लेई पीडब्ल्यूडी लेई पिंग पोलिंग स्टेशन, युवाएं आस्सेया संचालित मतदान केंद्र, ग्रीन पोलिंग स्टेशन कायम कीते गए ना। त्रीए गेड च जिले दे सारे हल्के च मलाइए कुल 47 ज्हार 963 पैहली बारी मतदान करने

आहले मतदाता ना त्रीए गेड तैहत मतदान पैहली अक्तूबर गी होगं मतदाताएं गी जागरूक करने लेई कई सारे कार्यक्रम चलाए जा'रदे ना।

<><><><><><>

SMVD-Polling

जम्मू-कश्मीर च होए दे विधानसभा चुनावें दे दुए गेड तैहत कल वोट पाए गए। श्री माता वैष्णो देवी विधानसभा हल्के च सब्बनें थ्वां बह मतदान होआ। इस हल्के च 80 फीसद थ्वां मते मतदाताएं वोट पाए जेदे कन्नै रियासी जिले दा कुल मतदान फीसद 74 अशारिया 7-0 फीसद होई गेआ। आकाशवाणी दे जिला संवाददाता देवेन्द्र ठाकुर दी रिपोर्ट मुजब जिला चुनावें अधिकारी विशेष महाजन होरें सारें लोकें दा जेडे बी इस प्रक्रिया च शामिल हे, दा आभार जाहिर कीता ऐ। उनें मतदाता जागरूकता कार्यक्रम, योजना ते सारी सरबन्धी कारवाइएं दी सराहना कीती। उनें आखेआ जे केई सारी चुनौतीपूर्ण हालात दे बावजूद जिले च इन्ना अच्छा मतदान होआ। स्वीप प्रोग्राम तैहत कई कार्यक्रमें दा सरिस्ता कीता गेआ। मतदाताएं गी जागरूक बनाया गेआ। एहदे च कई सारे लोकें अपना सहयोग दित्ता।

<><><><><><>

Migrants-Polling

मध्य कश्मीर दे त्रै जिलें च फैले दे 15 विधानसभा हल्के दे 40 फीसद विस्थापित कश्मीरी पंडित मतदाताएं दुए गेडत्र तैहत होए दे मतदान च वोट पाने दे अपने अधिकार दा इस्तेमाल कीता। इनें विस्थापित मतदाताएं दे लेई जम्मू च 19 मतदान केंद्र, उधमपुर च 1 ते दिल्ली च 4 मतदान केंद्र बनाए गेदे हे। जम्मू च 40 फीसद मतदाताएं जिसले कि दिल्ली च 43 फीसद ते उधमपुर च 37 फीसद लोकें वोट पाए। कुल 15 ज्हार 500 मतदाताएं एहदे

तैहत पंजीकरण करोआए दा हा। एहू मतदाताए गांदरबल, श्रीनगर ते बडगाम थवां हे जेडे उत्थुआं विस्थापित होइए बक्ख-बक्ख थाहरें पर रवा'रदे ना।



SVEEP-Udh.

जम्मू-कश्मीर च होआ'रदे विधानसभा चुनाएं दे त्रीए ते अखीरले चरण च मतदाताएं दी शमूलियत गी होर बदाने दे मकसद कन्नै उधमपुर दियां जिला चुनां अधिकारी सलोनी राय होरें जिले भरै च स्वीप तैहत कई सारे कार्यक्रम रम्भे ना। इस सरबंधै च उधमपुर दे इक ग्रां च जागरूकता गतिविधियां दा सरिस्ता कीता गेआ। स्वीप नोडल अफसर हुंदी दिक्ख-रिक्ख च होए दे इस कार्यक्रम च विद्यार्थिएं ते मकामी लोकें हिस्सा लैता। इसदा मकसद मतदान प्रक्रिया बारै लोकें च जागरूकता पैदा करना ते मतदान च सब्बनें दी शमूलियत गी यकीनी करना ऐ।



Sandhya-SVEEP Jammu

जम्मू-कश्मीर च होआ रदे विधानसभा चुनाएं च मतदाताएं दी शमूलियत गी बदाने दे मकसद कन्नै बाहु प्लाजा च कल संझा संध्या स्वीप रैली दा सरिस्ता कीता गेआ। इसदी अध्यक्षता जिला चुनां अधिकारी सचिन कुमार वैश्या होरें कीती। इस मौके पर ए.डी.डी.सी शेर सिंह ते ए.सी.डी डॉ. विकास शर्मा होर बी मौजूद हे। किट्टे गी संबेधित करदे होई जिला चुनां अधिकारी होरें सब्बनें गी वोट पाने लेई प्रोत्साहित कीता। खास करी पैहली बारी आले मतदाताएं गी। इनें सब्बनें गी इस लोकतांत्रिक प्रक्रिया च बदी चढिऐ हिस्सा लैने लेई आखेआ गेआ। उनें

मजबूत लोकतंत्र लेई मतदान च सब्बनें दी हिस्सेदारी पर जोर पाया। मगरा बाहु प्लाजा थवां जोरावर सिंह चौक तगर रैली कडुी गेई। इस दौरान बी लोकें गी मतदान बारै जागरूक कीता गेआ।

<><><><><><>